

10
DISPUNCTIO
LIBELLI.

Ad

EMINENTISSIMUM
REGNI POLONIARUM,
& M. D. L.

PRIMATEM,

NOMINE

SUETICÆ MAJESTATIS.

transmissi,

à

JUSTO EQUITE POLONO,

Gotticarum Compositori Literarum,

DEDICATA.



915142 III

Mag. St. Dr.

Bibl. Jag.

St. Dr. 1986 K 410/10 (27)



NOn Regi Sueciæ, non Gottorum, Vandalorumq; Principi, cui facilius erat aciem componere, quàm epistolam, facilius hostiles cuneos, quàm amicas literas ordinare, brevi hoc Commentario respondebo. Nefas enim foret, aut Labem tantam Sux Majestatis Purpuræ adstruere, quam nulla sæculorum delebit oblivio, aut temeritatem tantam affingere Capiti Coronato. Aquila muscas non captat, neque Leo venatur mures. Non tangam igitur Serenissimi Adolescentis pupillam, parcam ætati primo bellorum æstu abreptæ. Apes, summa tantum fastigia delibantes, non Fucos imitabor. Urticas præteribo, & humiles Myricas. Ut quicumque demum Author es epistolæ hujus, partum ingenii tui, detestari incipias; quo in Serenissimum Regem Nostrum impudentissimè exarsisti, postquam me legeris, in tuis criminationibus refellendis verecundum. Neque Nos Feris interea postposueris. Integri greges pro suo Ductore, vel Principe, bella gerunt. Apes, pro inermi suo Rege præliantur: Serpentes quin etiam, si cætera amittant, diligentissimè tuentur Caput. Et jam prodis in arenam clypeo Ulyssis cooperte Scriptor, primumque telum intorques in apertæ pupillam veritatis:

Quæ

I Quæ Nobis à Rege Poloniæ contra Pacta, Jusjurandum, datamque fidem, illata sit vis, atque injuria, quantumque damni, & læsionis, eo ipso vestra perpeffa sit Respublica, notius Eminentiaæ Vestrae, quàm ut iis immorari operæ ducamus pretium.

Sæpè plus mali Medici nocuère; quàm morbi: quoties aliam imbecillitatis causam dixère, ab illa, quæ infirmitatem pepererat. Scilicet, ne tu quoque vera scriberes, tria calamo restitère: Fraus, Livor, Inscitia. Fraude, Livoreque paginam tinxisti, quando procul ingenuâ fronte, damna, & læsiones, quas Respublica Nostra perpeffa est, tanquam Sole meridiano clariores forent, propriis Nominibus appellare, operæ pretium non duxisti, ut subtilius deciperes. Periculosius enim tibi fuit palam deprehendi, quàm audere; & facilius ista poteras asserere, quàm probare. Legistine aliquando Manifestum Serenissimi Regis Nostri, seu *Iustas Vindicias*, in quibus Ratio belli nunquam prius cogitati, non minùs verè, quàm clarè adfertur? Erat forte tibi tantum ingenii, ut intelligeres; sed non fuit tantum animi, ut inter cognatam servitutem, & deforme obsequium confiteri auderes veritatem. Audi jam, vel lege. Perinde mihi est à te legi, vel audiri. Serenissimus Rex Noster, ab origine sua, semper *Augustus*, (præter Nomen) vim nullam vobis intulit, sed repressit, temerè laceffitus, dum Portum ad *Polongam*, & suum littus extrueret, milesq; illius, juxta præscriptum Senatûs Consilii, insistendo Legi Publicæ Anni 1690. huic operi incumberet. Quod Dünemünda, ita opportuno capta tempore, quis requirat? Olores etiam mitissimi, sæpius Aquilas domuère.

muere. Domitiani Cæsaris Leo, quantumvis Africanus, & toties in Amphitheatro, ex insidiis triumphavit, formicis nihilominus præda fuit. Legisses utinam Legationem Scytharum ad M. Alexandrum in Curtio, coram quo uno, constanter *Orbis terrarum siluit*, modestius credo scripsisses. Pro eodem video apud te est, vim inferre, quod reprimere; Pacta, & datam Fidem violare, quod Jurijurando de *Repetendis avulsis*, in tempore opportuno respondere. Damna insinuas bello præsentinata Reipublicæ. Quis externum Militem intra Regni viscera hucusq; retinuit? quis Serenitatem diu præoptatæ Pacis dissipavit? nisi vestra suspecta & infida Vicinia? quis Tributa Provinciis nostris imposuit? quis Nobilium ædibus ignes admovit? quis Senatorum Curias occupavit, & suis insedit Præfidiis? Suetici nimirum Turbinis procella, in causa est, quæ Nobis, quasi ex insidiis incubuit, & justissimas Serenissimi cogitationes, AUGUSTI Nostri, de educendo post Pacificationis Comitia, externo milite, hucusque distulit. Loquar clarius: *Vestra Vicinia*, tot annorum spatiis non minus formidanda Reipubl. quàm toties perspecta, prædictam omnium malorum, quæ Nos premunt, Iliadem ex arte composuit. Ne verò putaveris me temerè talia protulisse; interroga Curiam Regis Sueciæ, quàm funestum Reipublicæ Nostræ Tractatum (ut priora anteaëtis temporibus interea subdiceamus attentata) composuerit, cum Serenissimus JOANNES III. omnium sæculorum gloriam promeritus, ad eliberandam Viennam Austriæ, arma sua promoveret. Quam nimirum in Regni Nostri Provincias irruptionem adornastis? si non ita feliciter, totius Christianitatis alea cecidisset. Putasne Nos ignorare Vestræ amicitiae simulacra? quæ nunquam integra fide adoravimus, post tot bellorum experien-

B

tiam,

tiam, in quibus semper fortunam Vestram, & No-
strum discrimen diligentissimè quæstivistis. Credis
demum, quæ nuper acta sunt, latere Rempublicam?
Nonne factum omnibus sæculis Fœdus intrastis, si
Elbingam Poloni, Armis vindicare, non præmeditatis
Conditionibus repetere voluissent? Hæcne vera est
erga Regnum Poloniæ amicitia? hæcne bonæ Viciniæ
integritas? sincerè pando vulnera, quæ innocenti Rei-
publicæ inflixistis. Quod vera sint, quæ attuli, Cu-
riæ Vestræ conscientiam ad supremum Tribunal, in
cujus oculis nuda & aperta omnia sunt, appello. Forte
igitur hæc ignorare voluisti, ut tantæ benevolentiæ
significationem, felicius simulando, posses imitari.
Profecto, nullum Nobis interea bellum imminebat,
quod externæ militiæ suppetias exigeret, præter ino-
pinatum belli Suetici Nuntium, qui classicum ceci-
nit, ne civiles etiam Lithuanix motus, ita facilè com-
ponerentur. Gratulante nimirum sibi discordiâ, offerri
speciosam occasionem, se tuendi, & amplius Pharsa-
liam proferendi, sub Clypeo alieno. Quidquid ergo ma-
lorum hæctenus, quidquid damnorum emerfit Reipubl.
huic fonti debeas, necesse est, non Serenissimi A U-
GUSTI Nostri armis, longè alia cogitantibus. Sed
illa est calami tui malignitas, ut cum ipsi fueritis cun-
ctorum Authores damnorum, non modo tantum, sed
continua serie annorum, ut suis dèque Polonum ever-
teretis Imperium; Nobis nihilominus infelicem hunc
partum objicias, tantò impudentius, quantò clarius
deliquistis. Quam præterea, Compositor Literarum,
professus fuerit olim artem ignoro interea, non credo
tamen Eutrapelum Tonsores ita humana capita felici-
ter aliquando depilasse, quemadmodum tu, omnem
hic veritatem expilasti. Sed voluisti credo in prima hac
Conviciorum tuorum periodo, quam Gottica, Van-
dalicaque

dalicaque innocentia exornâsti, illam illam humani
spongiam sanguinis, Domitianum inquam æmulari.
*Nunquam ille tristiores sententiam, sine præfatione
Clementiæ pronuntiavit, neque aliud tunc atrocis exitus
signum erat, quam Principii lenitas.*

Certi Eminentiam Vestram ista dudum II.
omnia æquo considerâsse animo, atque
ægrè tulisse, cum viderit, Reipublicæ neq;
pauca, neque exigua enata fuisse incom-
moda, ex Bello, quod ea tamen insciâ, atq;
invitâ, & sine ulla dissensionis causa, cœ-
ptum, gestumque est.

Hic demum os populi meruisti, & Cedro es digna
locutus, dum palàm confiteris Eminentissimum Re-
gni & M. D. L. Primatem, omnia æquo conside-
râsse animo, & ægrè tulisse incommoda, quæ Re-
gni Provinciis adtulistis hoc bello. Quis enim fu-
mantis Patriæ rogos, siccis spectaret oculis? quis po-
pulorum lacrymas innocentum, quæ pondera vocis
habent, sine intimo sensu exaudiret? Gemunt sub
Vestro jugo geminæ Provinciæ, sub Tractatum Pacis,
inhumana vi, ad gravissima tributa coactæ, trahuntur
immiti armorum potestate, ad Fidelitatis præstan-
dum Sacramentum, obviæ Nobilitatis Familiæ, mo-
ventur sedibus suis, quæ resistunt, fumant Domus
populares Vestris ignibus, promoventur arma, ne-
mine repellente, eo quod vicinæ Lithuanix vires,
quæ suos fines tueri inprimis poterant, Civili
dissensione distractæ, & Externæ Copiæ, quæ
primo assultu diffilare has insidias potuerunt, in spem
Tractatûs Pacis, edicto Regio admonita receptui ceci-
nerunt.

nerunt. Eo liquidem prospectabat Serenissimus
Noster AUGUSTUS, cum duodecim millia ar-
matorum in Saxonia parata, retinuit, spe delusus Pacis.
Taceo, auxiliares suppetias, quæ in procinctu fuerunt
Nobis. Habeatis necesse est fortunæ Vestræ gratiam,
quod tantæ hostilitatis augures nunquam fuerimus.
Nullus Vestrum apertis oculis in Patriam rediisset.
Neque vestigium Sueticæ in Livonia possessionis le-
geretur hodie. Provocatum inprimis à vobis bellum,
deinde Jurato Pactorum Sacramento, cœlesti Provi-
dentia devotum, *in scia Republica invitaq; geri potuisse*
credas? Quis hætenus Serenissimum AUGUSTUM
Nostrum à percussio cum Republ. fœdere: *avulsa re-*
petendi, absolvit? Quæ Lex circumscripsit? Forte
cogitas bellum hoc non ex Comitiorum Regni præ-
scripto effusum? Quia nulla interea temporis Consi-
lia occurrebant, quæ non è Republ. æstimarent, bonæ
Viciniæ Juribus insistendum, & non tam belli, quàm
Pacis artibus vigilandum. Invitum tamen non potest
cogitari Regnum, quod *Jusjurandum de repetendis avul-*
sis, Serenissimo Regi suo præscripsit. Cur non huc refe-
ras bellum hoc, quo Pacta Vielaviensia, Bidgostien-
sia, & Olivenfia, turbido Reipubl. intervallo extorta
potius, quàm composita. Hæc enim non expectatis
Regni Comitibus coaluere, aliquot tantum Senatorum
assensu, Regiis partibus favente, neque interrogata
prius Republica, stetere cum apertâ, & enormi læsione.
Reclamante toties Magno illo Regni tunc Pro-Can-
cellario, deinde Primate Regni meritissimo, Andrea
Olszovio. Legisses utinam illius super ea re senten-
tiam, in publicis dictam Comitibus, postea *in Censura*
Candidatorum, solidissimis firmatam deductionibus.
Non omisit ibidem præclarus Scriptor, oblata occa-
sione Pactorum cum Polonia Sueticorum fidem,

ad

ad temporum memoriam, producere, quam tu in
Nobis impudentissimè criminaris. Videres, quis prior
sacrosanctam Jurisjurandi religionem violaverit? Nolo
tibi, tot tantisque meditationibus intento, plura simul
obtrudere. Unum Joannem ex eodem Codice, op-
pono, Sigismundi III. Parentem, qui promissâ inter
conditiones de eligendo Filio Estoniâ, non erubuit dene-
gare eam Provinciam, causariq; à Carolo V. & Maxi-
miliano II. Comitibus Imperialibus, Commendæ jure sibi
commissam; Cùm non minus Estonia, pars Nostræ olim
Livoniæ fuerit, quàm Smolenscum Lithuania, &c. &c.
En Sueticæ fidei Religio. Sed concludo secundum
hoc Punctum, Crispi Sallustii Responso: Graviter, &
iniquo animo maledicta tua paterer, si te scirem judicio
magis, quàm morbo animi, petulantia ista uti; sed cum
in te, neque modum, neque modestiam ullam animad-
verto, respondeo tibi, ut si quam voluptatem maledicen-
tiæ cœpisti, eam, male audiendo amittas.

Speramus Eminentia Vestrae haud levi III.
fuisse lætitiæ, ac delectamento, cum insi-
gnem inaudiverit, quam ab hoste Nostro
foedifrago, summi Numinis auxilio, nuper
reportavimus Victoriâ, qua ita feliciter
cæsus, fugiensque hostis, ut incertum sit;
turpiorne fuga nunc ejus, an iniquior, ter-
rarum invasio fuerit?

Quæ tibi frons aderat, cum ista effunderes, vel
potius effutires? Bacchi credo temulenti. Sobrius
enim calamus talia non auderet exarare. Eminen-
tissimo Primati Nostro, aliquam lætitiæ umbram, de
hostili Suecorum irruptione, qui vi Fœderum, eodem

Nobiscum vinculo tenebantur, tam publicè velle imponere, aut suadere, par impudentia, Orbis totius iudicio confutanda. Quis enim sanæ mentis talia præsumeret, primo Regni Senatori, & sacrorum Mystæ, etiam privatim insinuare, quæ tu ita publicè non erubuiſti intimare, ut te caput simul cum fronte priùs amiſiſſe demonſtrares. Præterea nescimus hucusque quàm insignem victoriam reportaveritis, duabus tantum Legionibus repressis, quæ jam à tergo fuere exercitus Noſtri, aliò abeuntis, de Regis ſui mandato, ad instantiam Reipublicæ, & vota populorum militiam illam ita ordinantis. Certè non perinde eſt, numerare palmas, & mereri Victorias. Nunquam Fraudes in Capitolio triumpharunt. Malè Tractatus Pacis, tam iniquo Marte evincuntur, & ſi aliquando coaleſcant, non diu florent. Olea, quæ inter ignes Martios emittit, diu non poteſt alios ferre fructus, præter folia, ad cujuſvis Auræ motum inclinanda. Exercitum Regium in procinctu viæ jam deprehenſum, neque à te viſum, fuiſſe aut impudenter appellâſti, aut nunquam alias Regum legiſti Mandata, quæ sæpe Ducibus Militiæ, ut interim conflictu abſtineant, transmittuntur. Anni ſuperioris aciem, cum imaginaria hac Victoria Veſtra (prout tu quidem illam appellâſti) rite compone, & à turpis fugæ nomine abſtinebis. Neque Sereniſſimum Regem Noſtrum, terrarum Invaſorem Veſtrarum dices, ſi Provincias Noſtras, quas rejecto Pacis Tractatu ingreſſi eſtis, probè reputaveris. Sed placuit conviciari. Malè de Rege Noſtro AVGVSTO loqui didiciſti, cum benè nescias. Nunquam Cato, nunquam Lælius, talia de Cæſare, aut Pompejo, ſcripſiſſet, armis utrinque florentibus. Irruptionem Sueticam insignis Victoriæ titulo donâſti. Talpa facilius deprehenditur,

ubi

ubi plus terrarum foderit. Numina terrarum Reges, Joves Nostri sunt, non fulminantur, sed fulmant, ubi suas nubes composuerint. Disce à calamo meo reverentiam Majestatis. Non tango pupillam tui Domini. Tu utrique injurius es, cum ita protervo stylo grasseris, in gloriam utriusque. Tamen incertum est Europæ; turpiusne Vos Tractatum Pacis rejeceritis, quàm miles Regius, Mandato revocatus, à cæde Vestra abstinerit, cui non pridem insueverat. Vicisse Vos tamen nuper, fugâsseque Serenissimo Regi Nostro præsentì libuit, non triumphare.

Speramus Eminentiaæ Vestrae haud levi IV.
fuisse lætitiæ, ac delectamento, cum insignem inaudiverit, quam ab hoste Nostro foedifrago, summi Numinis auxilio, nuper reportavimus Victoriâ, qua ita feliciter cæsus fugatusque hostis fuit, ut incertum sit: turpiorne fuga nunc ejus, an iniquior terrarum invasio fuerit.

Quis? per verba hæc Cupressis virentibus similia, minores Aquilâ Polona volucres, illaqueari posse non crederet. Si ita omnem composuisses Larvam, ne interior ex insidiis vultus tuus appareret. Nimirum postquam palmares seminâsti injurias, Gratias à Nobis expectas, postquam ferali Taxo adornâsti, aperuistiq; pericula, securitatem polliceris. Risu Sardónico credo correptus, decantas Liberatam hostilibus incursionibus Livoniam, quam ita fraudulenter invasistis. Quem ergo Hostem trium pænè Provinciarum appellabimus, si Regem Nostrum Serenissimum plus quàm aggressorem dixisti. Profecto nisi totius Orbis judicio refu-

refutari malis, æquius est, ut miles Regis Poloniæ, in
sui Regni tellure subsistat, quàm externus. Summam
proinde injuriam, quam Vobis adtulistis, nescias ex
quo Nomenclatore, multi commodi, & emolumenti
donâsti compellatione. Quod enim majus discrimen?
quod damnum cogitari potest execrabilius Reipublicæ?
quàm in profunda Provinciarum illius viscera, ferro, &
igne grassari, sub titulo, & umbra, seu ut tibi placet,
sub Clypeo commodorum. Nempe Fortunatas Insulas,
extra terras, & maria promittis infelici Sertorio,
per maxima pericula, ad majus navigaturo periculum.
Pueris ista, in atrio, vel arena colludentibus,
non Reipubl. proponenda. Spem certam concipere
Nos jubes, à multis, magnisque periculis hac occasione
vindicare posse. Hanc inter spatia imaginaria, vel inter
Ideas Platonicas, sub concavo Lunæ repositam credo
sevas. Cur enim tam grandia pericula, quæ nescio
per quam Dioptram aspexisti, non recenses? Ego verò
crediderim non posse manifestius Nobis imminere discrimen,
quàm si Regni Nostri Provinciæ, ab alieno, non ab Electo
Rege Nostro teneantur. Eadem simul viâ, Jura, &
Libertatem, salvare posse ingeniosius, quàm verius
insuas, qui verum Libertatis Nostræ gustum nunquam
habuisti: Integram Nobis per tot sæcula superesse
adhuc Libertatem, nullus Orbis non videt, nullus non
invidet. Si nihilominus tantis Majorum Nostrorum
impensis comparatum hoc decus, minus æstimaremus,
aut viles inter animas rejecti, quoquo modo mercaremur,
profecto vicini Principes, vindicando adessent, etiam non
invitati. Arcanum pando. Olim enim omnes hodie
periclitarentur, hac sublatâ. Stamus adhuc ipsis
suffulti casibus Poloni, nondum Nos inferte sepulchro;
stamus, viresque Nobis animique,

mique, Virique superfunt, ad memoriam eorum, quæ
Nobis temporibus Casimiri III. inflixistis, refrican-
dam.

Perpendite rogamus bellum hocce, ci- V.
tra Reipublicæ consensum, ut credere fas
est, susceptum, nec non aliorum consiliis,
quàm qui Reipublicæ non benè cupiunt,
decretum, gestumque esse, quin & Rex Ve-
ster, secreta cum aliis Potestatibus, percus-
serat Foedera, & Tractatus confecerat non
paucos, quorum nec habuit notitiam Res-
publica, nec bono publico, & scopo ejus-
dem salutari erant adæquata, pro libitu
disposuerat, quæ è diametro cum Senatûs
consultis, & Reipublicæ pugnant Constitu-
tionibus; Pacta Conventa eludere quovis
modo, & artificio satagerat, curamque ad-
hibuerat maximam, quo inter præcipua
Regni Polonici membra, atque concives,
discordias, & internecina odia, concitaret,
& aleret. Ex quibus omnibus, aliisque qui-
bus supersedendum nunc putamus, luce
meridiana evadit clarius, nihil Regi Vestro
fuisse deliberatius, quàm formidandas sibi
utrinque vires acquirere, debilitare Cives,
& Regni incolas, eorum attrectare paula-
tim jura, Constitutiones publicas perrum-

pere, ac destruere, & supremum tandem arripere, cum Reipublicæ everfione, arbitrium, atque Dominium.

Immortales tibi ageremus gratias, quas referre non possumus, pro supplici hoc Libello, quo nos tantopere rogas, ut mala Nostra perpendamus tempestivè, si plus solidæ probationis, quàm nudæ assertionis adtulisses. Lege, si tibi libet, Senatus Consilii de hoc bello sententias, quæ Comitia Regni in tempore præcesserunt. Vel si hoc tibi non facilè concedatur, expendas velim Magni Reipublicæ Marschalci S. R. I. Principis, Stanislai Lubomirii, ut ævo, ita singulari experientia rerum, eximii, sensum, publicis expressum Typis, & de consensu, toties repetitam cramben stomachanti palato non obtrudes. Serenissimum Regem Nostrum, arcana cum aliis Principibus percussisse fœdera, ignorante Republica, perinde est conviciari, atque non probare: quando? & cum quibus? Profecto si vel umbram hujus veritatis latere intra profundissima terrarum viscera comperisses, tantus Livor in publicum Solem refodisset. Palam pridem legerentur à Nobis nomina cunctorum Principum; omnibus constaret Typographis, quando? & ubi hæc alea de Regni Nostri Juribus & Libertate jacta fuerit? Tu certè non eam, ut clarè perspicio, habes reverentiam AUGUSTI Nostri, ut tacueris, si non ignorares ipse, cujus calamus talia promulgavit, quæ neque in Octavi Sapientum Græciæ, legantur somniis. Pharsalicam inter Concives discordiam, ante Electionem Serenissimi Regis Nostri, ex occasione Coæquationis Jurium, enatam benè novimus; aliam hucusque penitus ignoramus, de qua tu video, Nuntium nescio, ex qua Orbis plaga excepisti. Verisimilius tamen est, Nobis

cre-

credere, qui hæc palpamus spectamusque in Patria,
quàm tibi, qui ex peregrinis foliis, tanquam de Nilo,
maculoso limo stagnantibus Ostiis septem hausisti, ut
haberes, quod per otii licentiam effunderes. Pacta
Conventa ne eluderentur *de repetendis avulsis*, pro-
vidit inprimis Serenissimus Rex Noster, providebitq;
amplius Divino Numine aspirante, & causæ meliori fa-
vente. Concludis; projectis tot ubique criminatio-
nibus, & nusquam probatis, quibus non tantum Re-
giam Majestatem, sed ipsa etiam folia epistolæ tuæ fœ-
dâsti, asserendo: luce meridiana tibi clarius apparere,
quod Serenissimus AUGUSTUS Noster, omnes eo
curas verterit, ut effractis Regni Legibus, per calcata
Civium colla, ad Absolutum evadat Principatum.
Scilicet, tu centoculo oculatior Argo, vel bifronte Jano
perspicacior, ille præterita respiciebat tergo, & fronte
venientia prævidebat; tu etiam illa introspexisti curio-
se, quæ nunquam acciderunt, neq; uno sæculo possunt
tam facilè advenire, quam tu temere cogitâsti. Si forte
Electo Brandenburgico in meta tibi est, Nobis nihil
hucusque compertum. *Notant tamen Astrologi: sub
ortum coronæ flare ventos, & nascentibus Imperiis, pro-
cellas excitari certum est; quia non desunt animi semper
præsentibus mæsti; & futurorum avidi, qui sive invi-
dientia, sive metu, sive lucri, & honoris cupidine, sive
dolore contumeliæ, Principatum non dum hærentem sibi,
non dum alta radice firmatum, acrius percellunt.* Si
Clementia Serenissimi Regis, quam hucusque adhi-
buit, in moderanda dissensione Lithuanica, bilem tibi
uni movit, aut obliquam iniecit suspensionem adversæ
conniventix, forte legisti, quæ adjicio. *Multa sunt
humanæ imbecillitati condonanda, ignorantia multa,
quædam etiam affectui, pœnitentiæ omnia. Multos
servare oportet, etiam invitos, nec audiendi omnes, qui*

Volunt perire. Quibusdam error imposuit, plerisque opinio fucum fecit. Alios maligna Consilia pessum dedere. Sunt etiam, quibus sola fortuna, pro culpa est. Multos absolvet, qui se à DEO cupient absolvi. Nulla tam solers cura, nulla tam profusa benignitas, quæ omnes motus possit amoliri. Res populi est, aut nulla esse bella Civilia, aut citò finiri. Interrogare igitur prius debueras iudicii tui Arcopagum, vel conscientiam, liceretne Regum præcipuè externorum, tantò minùs vicinorum, tam audacè intimum Capitolium, imò etiam cogitationes profundas subintrare? Reges Divini in terris Imperii vices gerunt. Reverentius omni ævo visum, de Actis Deorum credere, quàm scire. Nisi ex illorum sis numero: ut scias mane, quid Juppiter de nocte locutus cum Junone? Vel vices Ganimedis agas inter mensas Principum, inter Alexandrinos nuper pueros educatus. At non facilè adducor, ut fidem adhibeam. Sic enim omnes Tabulas Poetarum superares, qui tamen novæ apud nos Historiæ, vis Author haberi. Itane verò Nos lippos credis, ut plura propius non videamus, quam tu tot à Nobis terrarum spatiis, & animo magis alienus. Crede mihi, si mereor aliquam apud te fidem, vel ambio: aliena, & nimis procul à vero recitasti. Eum nacti sumus Poloni Principem, quem optimus quisq; color decet, ut Aristippum, & nullius rei tantopere sitientem, quàm gloriæ immortalis. Quomodo dilatare amissos Patriæ fines, ita diligenter contenderet? si amaret (ut inquis) domi discordias? quomodo servaret ad bella Cives? perdendo. Non haberet profecto, cui tandem imperaret. Nulli (si memini) Regum ejusmodi ratio dominandi, successit hætenus. Neque Bohemia, neque Ungaria, omnes viros, viresq; amisit, postquam novi habenas admisit

Im-

Imperii. Formidandas tandem contra Poloniam, à Serenissimo Rege Nostro, nihil minus cogitante conquiri vires, postquam buccinare non erubuisti, unde? & per quæ terrarum spatia? vel per quem aerem in Nos erupturas? dicere omisisti sapienter, cum probè ignorares. Ad hoc tamen per compendium tibi repono. Nihil ita formidabile natura produxit, cui non vicissim aliquid opposuerit formidandum. Meministi credo, quàm feliciter non ita pridem Poloniæ Regnum, Suecis, Brandenburgicis, Moschis, Kozacis, Ungaris, Scythis, & quod his difficilius fuit, civilibus discordiis, eodem simul bello restiterit. Poloni enim, ita volente supremo Numine, fortius suis fluminibus, quàm cæteri Halecum Mari defenduntur. Quoties tamen ferventioribus Solis radiis, vel nimii Martis æstu siccantur, illa quàm primum affuso sanguine hostium attollimus.

Hocce immoderatum vasti animi Desti- VI.
natum, nunc quidem nostra Victoria, existimari potest quodammodo repressum, sed artibus ejus non confidendum, tempestivis consiliis, fortibus remediis, & cita executione opus est, si salva Regni Jura, & incorruptam libertatem Vestram cupitis. Dubio enim caret, postquam in animum semel induxerat absolutum Regimen, sibi vindicare, ne concepta spe sua, magnisq; ausis excidat, nihil eum relicturum intentatum, quo illud perficiat, nihil pensi habens, si finis, quem sibi proposuit obtinendi gratia,
E & to-

& totam Rempublicam, & præcipua ejus membra, noxæ, & interitui immolaret.

Hucusque ignota omnibus tam vasti animi Destinata, quodammodo à Vobis repressâ, ne fidem quidem apud Nos invenerunt. Reprimi siquidem nequit, quod nulli fuisse constat, præter opinionem tuam, baculo suffultam arundineo. Quid verò Serenissimus AVGVSTVS Noster tacitâ mente agitet, proxima Regni Comitia forte evolvent, & ver immimens, toti Europæ aperiet clariùs. Polona siquidem Respublica, geminos habet oculos, Senatorium scilicet Ordinem, & Equestrem, quibus, incumbentia Juri-
bus antiquis, & Libertati procul videre possit pericula. Externâ, ad præsentem, quam temere minaris procellam, non egemus Perspectivâ. Artibus Regum, quæ Legibus Nostris hucusque parvêre, nunquam Poloni rebelles fuimus. Imperito Medico tu interea similis es. Fortia citaque remedia suades adhiberi, ubi nullus adhuc morbus apparuit, qui una dextrâ non possit in tempore dissipari. Tu verò tantum, celerem suades executionem Medicinæ, ut citius præcipitatis remediis moriatur, qui nunquam ægrota-
vit. Nominare prius morbi præsentis causas, debuisti, non augurari, priusquam remedia, tam violenta præscripsisses. Profecto inusitatam hætenus artem imitaris: morbum advocare contendis remediis, sano adhuc integroq; corpore. Morem illorum secutus, qui rectè valentibus Medicos suadent, ut lucrum capiant, morte improvisâ pœnitendum, illi qui valuerat. Libertas etiam Nostra nulli externorum carior est, quàm Nobis, quibus, tot tantisq; non fortunarum modo, sed sanguinis quoq; stetit impensis. Aulæ, Regniq; Ministros, censemus illos, quos orbis exempla docuêre:
quid

quid sit innocentem perdere, vel mercari Rempubli-
cam? Tam difficilem proinde Absoluti Imperii cogi-
tationem, nemo Serenissimo Regi Nostro, poterat in-
jecisse, nisi reus Majestatis, & illius securitati minus fa-
vens, nec non tranquillitati publicæ, in his præcipuè
rerum terminis, qui nos circumstant. Si tamen similia
tuo scripsisses nomine, non Sueticæ titulo Majestatis,
non defuere modi Reipubl., quibus petereris. Interea
sub tanto Clypeo salvus es. Absolvisses nihilominus,
non Polonos tantum, sed totam etiam posteritatem, ita
importuna, claraque Malevolentia Tuæ suspicione, si
quid eorum probâsses in particulari, quæ sine ullo pror-
sus argumento, quasi Oracula, nescio ex cujus Apol-
linis Tripode audita, vel in bicolli somniata Parnasso, ita
palàm protulisti. Odio præterea plusquàm Vatiniano,
Professæ nuper fidei, à Serenissimo Rege Nostro, præ-
cipua Reipubl. membra, ad necem, & totum Regnum
ad interitum destinari asseris. Inter Medos, & Persas,
malignitas tanta ignoratur. Nunquam Neronēs, nun-
quam Maxentios, Diocletianos nunquam, Regum
Poloniæ folia per tot sæcula, conspexêre. Longè
sumus positi, ab ævo illo infelici, quo Tyranni Purpu-
ram suam, non tam Ostro Tyrio, quàm Civium san-
gvine imbuebant. Habemus gratiam Diis Tutelari-
bus, quod in hanc usque diem, illos Imperii Nostri
censeamus Moderatores, ita Pios, & Clementes, ut
nullus Civium, illis regnantibus, Pullam Vestem in-
dverit. AUGUSTI demum Nostri Clementiam,
omnibus retrò sæculis prædicandam, & procul à tam
immani feritate, quam tu impudentissimè criminaris,
nullus est, qui non videat, nullus, qui non amet.
Unum te illius gloriæ, foliique splendor, ita excæca-
vit, ut Sol inassuetam suæ Luci palpebram, meridianis
solet radiis flagellare. Non ideo tamen sidera, fere-
nissima

nissima non sunt, non ideò mel non est dulce, quia ægris, sic videtur; neque ideò Rosa non fragrat, quod mortem adferat scarabæo.

VII. Huic igitur malo maturè præscindendo, medium accommodatius vix adhiberi potest ullum, quàm si Rex iste, throno quàm primum dejiciatur. Quippe quo se infracta toties Legum & juratæ Capitulationis fide, reddidit indignum. In quo cum non minus Reipublicæ Vestræ, quàm Nostræ posita sit securitas, non possumus non huic rei perficiendæ summopere insistere. Neque quisquam rerum peritus Rempublicam propterea iniquitatis accusabit, accusabit autem fortassis Posteritas, nimix lenitatis, ac imprudentiæ, si id infectum reliquerit, nec Nobis imputari poterit culpa, si necessitate adacti, hostem Nostrum persecuti fuerimus, ubicunq; ipsi securitas, & sustentatio contingat præstari. Cumque satis superq; constet Nobis nihil magis in votis esse, quam ut quies duarum Nationum, quas Nativa quædam, & perpetua communis utilitatis ratio propiori amicitix nexu conjunxit, quantum in Nobis situm est, non perturbetur.

Dii Boni! quantum prius pulverem excitâsti, ut
eo tandem dementiæ pervenires, quò nulla fatuitas
ausa est Polonos ducere. Nimirum: quemadmodum
onerati mero, non continent, & cibum, & secretum,
sed quod suum, alienumque est, pariter effundunt;
ita tu nescio quo livore, in Serenissimum Regem No-
strum, ævo immortalis dignum, tam diu tortus, ape-
ruiſti mentem Fastis Noſtris incognitam, & arcanum
de exturbando Rege innocentissimo consilium reve-
lâsti. Huccine omnes illæ criminationes, quibus epi-
ſtolam onerâsti, collineabant, ut tam fœdam tandem
impietatem, Nobis perſvaderes? quibus omnia ſce-
ptra ſacra ſunt, & omnem Purpuram adoramus. Pu-
tâsti te Finlandis tuis, aut Gottis ſcribere, non Polonis;
qui eo religioſiores in fide ſervanda, quo Liberiores;
& quibus illa eſt, erga ſuos Electos reverentia, ille Re-
gum amor, ut gloriari omnes poſſint, ſe in cujuſvis
Civis ſinu, dulciorem capere quietem, quàm in Regiâ.
O ſola fortem garrulitate Fecialeſ! qui Nos more An-
dabatarum, cum armatis umbris, incertum in quo
Campo Martio diſpoſitis, omnino jubet præliari. Sci-
licet, illa Nobis ~~illa~~ Vobis remedia præſcripſiſti Ga-
lene Vandalice, quæ illum Reipublicæ morbum ad-
ferre poſſint, ex quo nunquam convaleſceret. Vio-
lata toties Legum, & juratæ Capitulationis fide, indi-
gnum Solii Poloni Majeſtate Regem, plus quam Præ-
torioſano edicto pronuntiâſti, hoc eſt, ſeveriſſimè da-
mnâſti, quem nemo, te præter, accuſavit. In hoc uno
Arcopagitas imitatus, quod clauſis oculis, & ſubmota
luce protuleris ita crudelem ſententiam. Maſſagetis
iſta, vel Barbaris obmurmurare poteras, apud quos
tot Reges non ſicca morte, ad Cereris Generum de-
ſcenderunt, non Polonis: qui etiam exulanti Regi ſuo,
Sileſiam olim ad vitæ alimenta conceſſerunt. Bole-

slaus Audax, sponte se Regno exuit, non vi pulsus. Micislaum Senem, sua throno exturbavit inertia, Cris-
stinam impietas pepulit. Lesco Albus, Casimiri Fi-
lius, à Suatopelco Pomeraniæ Governatore, interem-
ptus, Premislaus II. à Marchionibus Brandenburgicis,
per insidias, vita simul, & Purpura exutus est. Idem
fatum Sigismundum III. in Suecia expectabat, nisi se
Nostræ felicitati diligentius servâset. Poloni ergo,
nunquam in suos Reges surrexerunt, aut sævierunt.
Jam metire si potes, quantum hoc Classico profece-
ris, quod inflâsti. Excivisti sedibus suis, omnium Le-
gatos Provinciarum, qui Vitam, Fortunas, Liberos &
Sanguinem suum, Serenissimi Regis securitati, nomi-
ne publico devoverunt. Armâsti Regnum totum in
prælia, non humili exiguoque sanguine dirimenda.
Dicam simul: Apes omnes pro Rege innocente, ex
alveari provocâsti. Alcyonia domesticæ tranquillita-
tis, quæ ex certissimæ Pacis ominabamur Tractatu, &
jam de littore prospectabamus, infelici hac tuba dif-
flâsti. Quod velitis telam hanc Araneorum, quam
orfi estis perficere, nullus ambigo; sed neque hoc
incertū, quod Arachnam Minerva superare possit. Ex
Cerauniis porro Sueticis prius tu legeris Palmas, aut
Lilia, quàm Poloni publicæ inde gloriæ folium reci-
piant, si Regem tantis Majoribus ortum, totque insi-
gnem trophæis, throno, in quo illum non ita pridem
posuêrunt, nullâ causâ, præter tua Commenta, quæ
tantum, apud Nos conciliarunt fidei, quantum ubique
probationis adtulisti, movere contendant. Neque
ullam pro eo formidamus Posteritatem, quod Opti-
mo Regi Nostro, juratam semel fidelitatem, & nun-
quam ante Nos violatam, illibatè integreque servave-
rimus. At Vestræ hostilitatis culpam, nullius Unda
Ponti, satis unquam eluet, si præter trium Provincia-

rum

rum usurpationem, amplius signa Vestra explicueritis. Noveris pridem Polonos didicisse, sub frigido quoque Jove, fortiter militare, & Sarmaticas ferre hyemes, procul Tentoriis, procul foco. Satis Nobis est ignis pyrius, quo Martius ardor incalascet. Flumina Nobis longo gelu glaciantur, non animi. Non ita pridem clypeos, non pridem Hastas posuimus. Non imparatos proinde deprehendetis, neque inter jejunos focos oscitantem militiã experiemini, si (quod minaris) adveneritis. Vel inter ipsas mortes Regis Nobis odium non persuadebis. Quodcunque demum membrum, ense recidendum, vel effodiendum est, si non bene conveniat suo Corpori. Universi nihilominus:

Excipiunt Medici, Theiologi, Caput.

Nostræ, Vestræque Reipublicæ quietem, cordi Vobis imprimis esse, & inter vota præcipua, nemo est, qui intelligat, postquam illam tribus Provinciis exturbastis. Cettè, non istis artibus Regnorum tranquillitas comparatur. Verùm: Credat Judæus, Apellæ, ego tamen à fide hac tantum abhorreo, quantum tu diffides à Romanâ

De hac re tota in Literis Nostris ad Rem- VIII.
publicam perscripsimus prolixius, quas opportuno tempore tradendas Eminentiaæ Vestræ commendamus, simulque ab ea benevolè, & amicè contendimus, ut iisdem pondus authoritatis suæ, summamque qua pollet prudentiam, & consiliorum dexteritatem, adjungere non gravetur. Quod si fiat, nulli ambigemus, quin & vim habeant
effi-

efficacissimam, & Nobis optatum adveniat
quantocyus responsum. Si quid opis &
auxilii à Nobis desideretur lubentes pro-
mittimus, Nos præfente nunc exercitu No-
stro eodem Reipublicæ pro rei exigentia
adfuturos, nec immemores erimus aut zeli,
& laboris ab Eminentia Vestra præstiti, aut
testificandi erga eam, quacunque occasio-
ne grati animi, Regiæque Nostræ benevo-
lentia. De cætero Eminentiam Vestram
Divinæ tutelæ commendatam, & quàm
diutissimè incolumem cupimus. Daban-
tur in Castris Nostris prope Bauthskie Die
30. Julii, Anno 1701.

Insolitum quidem hætenus apud nos fuerit, ut
Primas Regni Nostri, vices externi ad Rempublicam
Tabellarii, aliquando ageret, præcipuè ubi de summa
rei, & seditione Civium ferebatur sententia. Sed is
menti tuæ calor incidit, ut non alteri Libellum Regis
Sueciæ, nisi Eminentissimo Cardinali commendares,
simulque pondus & auctoritatem, conciliares Epi-
stolæ: Dabis veniam: alibi imprudentiæ tam insigni
fiduciam conciliare, aut saltem quærere debuisti, &
priùs quàm auderes, atrium indolis explorâsse: cui-
nam Literas Uriæ porrigeres? Non placuit forte in-
terrogare Orbis exempla, & sæculorum memoriam,
num fas esset, ita palam, feralem flammam, Regiæ in-
jicere alienæ, per primum Senatorem, & Regni pri-
mum Principem? Profecto, tam præcoci consilio,
felicem successum polliceri non possum. Errores

im-

niat impetu; consilia, mora valescunt. Ita festinata ad
s & Rempublicam Literæ, procul Regni Comitibus, per-
pro- miles arbitror excitato culinæ foco, perdicè, adhuc
No- per ignotas sylvas, aut campos Elysios volante.
entia Summa præterea Prudentia, & consiliorum dexter-
zeli, tas, qua Eminentissimus Primas pollet, ante alios, id
, aut præstabit procul dubio, ut se illis subducat, quos reos
asio- esse læsæ Majestatis, tam clarè intelligit. Auxiliares
evo- Nobis suppetias, si necessitas postulaverit, præsen-
ram temque exercitum liberalissimè polliceris. Time-
uam mus Danaos, & dona ferentes. Quodsi tamen Ba-
ban- lenæ venter, aut Lari guttur, has tibi Reipublicæ No-
Die stræ tuendæ cogitationes peperit, & infessæ Regni
Provincia, famem adhuc accendunt; Noveris etiam
Vultures, Harpiasque, longam post inediam, escis,
quas in ungvibus habent minimè saturari, sed alio-
rum Nidoribus cadaverum insuper inhiare. Leo-
nem, hæcibus non satiabis; majorem sitit prædam.

In Conclusionē Epistolæ, ita perite integri Amici
adornasti imaginem, atque si Pyladem aliquando pin-
xisses, vel Orestem. Grati animi significationibus,
eos colotes addidisti, quos neque Appelles, neque
Regis Protogenes adhibebat, Helenam expressurus, vel
dares, unam Gratiarum.

Fruere igitur tam felici ingenio, Scriptor Regie,
s Epi- & egregie, jamque nervos animi tui, tot criminatio-
nigni num, fraudumque meditatione fatigatos refice, &
isti, & *exiguo piperi, si sapias adde piper.* At ne forte ad ima-
: cui- ginem veritatis impotenti patientia exardescas, laudo
te in- jam, per omnia Literarum folia, diffusam artem so-
oriam, lertiar tuarum; Piscatores peritos, in turbido diligentif-
giar in- simè laborantes, vel Adulatores, imitari voluisti, *qui*
ni pri- *nihil potius meditantur, quàm quod putant gratissimum*
nfilio, *G* *Au-*
errores im-

*Auditoribus fore. Nec eni
petunt, nisi quasdam infide*

Ne non amica manu ex
rumque calamum tuum
nissimi AUGUSTI
involxet. Alias non
nes etiam Vulcani pub

pudentem paginam.

si vis, ama.

Oppositum enim:

Oderunt speculum deformes cernere vultus.

